

Bosna i Hercegovina
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: T03 0 KTAK 0111682 23
Tuzla, 24.05.2024. godine

Udruženje građana „Ne diskriminacija, ne mobing“
Ul. Mustafe Hukića br. 33
Grad Tuzla

PREDMET: Obavještenje

Povodom Vaše prijave koja je dostavljena ovom Tužilaštvu dana 07.06.2023.godine Obavještavamo Vas da smo dana 24.05.2024.godine donijeli Naredbu da se istraga neće provoditi protiv Hasanbegović Šemsudina, Kantonalnog tržišno-turističko-ugostiteljskog inspektora zaposlenog u Kantonalnoj upravi za inspeksijske poslove TK zbog krivičnih djela – Zloupotreba položaja ili ovlaštenja - iz člana 383. stav 1. KZ F BiH i – Nesavjestan rad u službi – iz člana 387. stav 1. KZF BiH, jer ne postoje osnovi sumnje da je učinio ta krivična djela.

Da bi postojalo krivično djelo –Zloupotreba položaja ili ovlaštenja - iz člana 383. stav 1. KZ F BiH potrebno je da učinilac iskoristi svoj službeni položaj ili ovlaštenja, ili da prekorači granice svog službenog ovlaštenja ili da ne izvrši svoju službenu dužnost, što za posljedicu ima pribavljanje sebi ili drugom kakve koristi, drugom nanošenje štete ili težu povredu prava drugog. Podnosilac prijave u svojoj prijavi navodi da je prijavljeni Hasanbegović Šemsudin postupao na način da je amnestirao od prekršajne odgovornosti privredno društvo [REDACTED] Tuzla na način da tom privrednom društvu nije izdao prekršajni nalog, iako to privredno društvo nije njegovom malodobnom sinu izdalo fiskalni račun za uslugu servisiranja mobitela. Međutim, iz iskaza svjedoka [REDACTED] proizilazi da toga dana kasa nije radila nekih sat i pol do dva, iz kojeg razloga su korisnicima njihovih usluga izdavali pisane fiskalne račune, a kada je kasa proradila te račune su nakucali na elektronskoj kasi. U Zapisniku o inspeksijskom nadzoru Kantonalne uprave za inspeksijske poslove Tuzla od 16.05.2023. godine koji je sačinio prijavljeni Hasanbegović Šemsudin u svojstvu kantonalnog tržišno-turističko-ugostiteljskog inspektora je konstatovano da je lice prisutno inspeksijskom nadzoru, a to je [REDACTED] računovođa u firmi [REDACTED] izvršila printanje duplikata fiskalnog računa broj BF24030 izdatog putem fiskalnog uređaja IBFM AJ069780 dana 28.04.2023. godine za uslugu servisa u iznosu od 115,00 KM, te je inspektor tom prilikom konstatovao da je subjekt nadzora privredno društvo [REDACTED] d.o.o. Tuzla za izvršenu uslugu servisiranja po servisnom nalogu od 28.04.2023. godine izdao fiskalni račun. Dakle, nema osnova sumnje da prijavljeni Hasanbegović Šemsudin nije izvršio svoju službenu dužnost što bi za posljedicu imalo pribavljanje koristi drugom u vidu oslobađanja od prekršajne odgovornosti.

Takođe ne postoje ni osnovi sumnje da je prijavljeni Hasanbegović Šemsudin počinio krivično djelo – Nesavjestan rad u službi – iz člana 387. stav 1. KZF BiH. Da bi postojalo to krivično djelo potrebno je da službena ili odgovorna osoba u Federaciji povredom Zakona, drugog propisa ili općeg akta ili propuštanjem dužnosti nadzora, očito nesavjesno postupi u vršenju dužnosti, pa zbog toga pravo drugog bude teško povređeno ili nastupi imovinska šteta koja prelazi 1.000,00 KM. Međutim, iz rezultata provijera proizilazi da nema osnova sumnje da je

prijavljeni svojim postupanjem u konkretnom slučaju i to izlaskom na lice mjesta i sačinjavanjem navedenog Zapisnika o inspeksijskon nadzoru očito nesavjesno postupio u vršenju svoje dužnosti, što bi za posljedicu imalo tešku povredu prava drugog ili imovinsku štetu koja prelazi iznos od 1.000,00 KM.

PRAVNA POUKA:

Ukoliko ste nezadovoljni ovom odlukom možete podnijeti pritužbu Uredu Glavnog tužioca Kantonalnog tužilaštva Tuzlanskog kantona u roku od osam dana od dana prijema ovog Obavještenja.

TUŽILAC
Kenan Balić